



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Onvphrii Panvinii Veronensis Fratris Eremitae
Augustiniani. De Praecipvis Urbis Romae
sanctioribusq[ue] basilicis, quas Septem ecclesias uulgo
uocant, Liber**

Panvinio, Onofrio

Romae, 1570

Præfatio.

urn:nbn:de:hbz:466:1-11316

I

O N V P H R I I P A N V I N I I
V E R O N E N S I S F R A T R I S
E r e m i t æ A u g u s t i n i a n i ,

D E P R Æ C I P V I S V R B I S
R o m æ S a n c t i o r i b u s q u e B a s i l i c i s , q u a s
S e p t e m E c c l e s i a s u u l g o u o c a n t .
L i b e r .



P r æ f a t i o .



I V & multum, etiã a principibus vi-
ris rogatus sum, ut de septẽ Urbis Ec-
clesiis, quæ quotidie tam à peregrinis,
quàm à Ciuibus Romanis ob deuotio-
nẽ & pietatẽ, sanctarum reliquiarum
in eis iacentium reuerentiã, multipli-
cesq; peccatorum indulgentias consequendas visitatur,
breuem librum constituerem, quò multa quæ obscura in
iisdem facta sunt, aperirem, singularum maiestatem as-
fererem, reliquias enumerarem, & præclara quæque de
ijs aut dicta, aut scripta insinuarem, ut ijs diligenter &
legitime cognitis, omnium mortalium in eas amor, de-
uotio, & pietas magis accenderetur. Tot piorum ho-
minum precibus facere satis volens, simulque Pij V.
Pont. Max. incredibili Religione incitatus, rem diu ante
à me cogitatam, tandem exequi constitui. Ita enim fu-
turum speravi, vt hoc libro omnium hominum eas vi-
sitantium animos recrearem, tot egregiarum rerum cõ-
memoratione deuotionem augerem, pietatem confirma-
rem.

A rem.

2 ONVPHRIVS PANVIN.

rem. Si enim ullo in loco unquam pietas & religio uiguit, templa multa Christo sanctisque eius dedicata, magnis prouentibus aucta, ornata, & uisitata sunt, id Romæ factum est. Vnde S. Hieronymus in proemio libri secundi cōmentariorum in epistola ad Galatas, tantum Romanæ plebis laudat fidem. Vbi enim (inquit) alibi tanto studio & frequentia, ad ecclesias & ad martyrum sepulchra concurritur? ubi sic ad similitudinem cœlestis tonitruui, Amen reboat, & uacua Idolorum templa quatiuntur? Non quod habeant aliam Romani fidem, nisi hanc quam omnes Christi ecclesiæ, sed quod deuotio in eis maior sit & simplicitas ad credendum. Idem intelligitur ex Prudentio lib. I. contra Symmachū in his versibus.

Exultare patres uideas, pulcherrima mundi
 Lumina, conciliumque senum gestire Catonum
 Candidiore toga, niueum pietatis amictum
 Sumere, & exuuias deponere pontificales.
 Iamque ruit paucis tarpeia in rupe relictis
 Ad syncera uirum penetralia Nazareorum,
 Atque ad apostolicos Euandria curia fontes
 Anniadum soboles, & pignora clara proborum.
 Fertur enim ante alios, generosus Anicius Urbis
 Illustrasse caput, sic se Roma inclyta iactat
 Quin & Olybriaci generisque, & nominis hæres
 Adiectis fastis, palmata insignis ab aula
 Martyris ante fores, Bruti submittere fasces
 Ambit, & Ausoniam Christo inclinare securim.
 Non Paulinorum, non Bassorum dubitauit
 Prompta fides dare se Christo, stirpemque superbam
 Gentis

Gentis patriæ venturo attollere cælo
 Iam quid Plebicolas percurram carmine Gracchos
 Iure potestatis fultos, & in arce senatus
 Præcipuos, simulachra Deum iussisse reuelli
 Cumque suis pariter licitoribus omnipotenti
 Suppliciter Christo se consecrasse regendos
 Sexcentas numerare domos de sanguine prisco
 Nobilium licet, ad Christi signacula uersas
 Turpis ab Idoli vasto emersisse profundo
 Si persona aliqua est, aut si status Urbis, in his est
 Si formam patriæ facit excellentior ordo
 Hi faciunt, vindicta est quoties sententia plebis
 Atque vnum sapiunt plures simul ac potiores
 Respice ad illustrem, lux est ubi publica cellam
 Vix pauca inuenies Gentilibus obsita nugis
 Ingenia obstrictos ægre retinentia cultus
 Et quibus exactas placeat seruare tenebras
 Splendentemque die medio non cernere solem
 Post hinc ad populum conuerte oculos, quis in Vrbe est
 Qui Iouis infectam sanie non despuat aram
 Omnis qui celsa scandit cænacula vulgus
 Quique terit silicem varijs discursibus atram
 Et quem panis alit gradibus dispersus ab altis
 Aut Vaticano tumultum sub monte frequentat
 Quo cinis ille latet genitoris amabilis obses
 Cætibus, aut magnis Lateranas currit ad ades
 Vnde sacrum referat regali Chrismate signum
 Et dubitamus adhuc Romam tibi Chryste dicatam
 In leges transisse tuas, omnique volentem
 Cum populo, & summis cum viribus ardua magni

A 2 iam

4 **ONVPHRIVS PANVIN.**

*Iam super astra poli, terrenum extendere regnum
 Nec moueor, quod pars hominum rarissima clausos
 Non aperit sub luce oculos, & gressibus errat
 Quamlibet illustres meritis, & sanguine clari
 Præmia uirtutum titulis & honoribus aucti
 Ardua reuulerint, fastorumque arce potiti
 Annales proprio signarint nomine chartas
 Atque inter ueteres cera numerentur & ære.*

Et Procopius lib. 1. de bello Gothico, Christianæ fidei disciplinam si uspiam alij unquam, Romani præcipue sunt uenerati. Cuius rei inter alia præcipuum & maximum est argumentum, tot ecclesiarum, xenodochiorum, monasteriorum, oratoriorum, & similibus sacrorum ædificiorum superbissimæ fabricæ ornamenta, & redditus: quas tam priscis, quàm nostris temporibus in Vrbe fuisse constat. Quum enim ego accurate ueterum scriptorum ecclesiasticorum, & S. R. E. monumenta euoluerem, ad mille templa, uel monasteria, aut xenodochia (diuersis tamen temporibus) in Vrbe fuisse adinueni: de quibus grande uolumen composui. Hoc uero libro de septem præcipuis Urbis Romæ ecclesiis tantum uerba facturum, cur hæc basilicæ septenario numero celebratæ fuerint, primum aperiam: mox de unaquaque singillatim quæ cognitu digna esse existimabo, differam.

De